

Gvangjsih Minzcuz Bau

Cawigueni: Gvangsiah Bouxcuengh Swcigh Minzcuz Cunghvau Swvu Veijvenzvei

Cawjbanh: Gvangsiah Minzcuz Bause

Geiz neix 8 bani

广西民族报 Aenhauh okbanj: CN45-0036

B.2025

Nd.11 Ng.12

Liggaeuq ietceih nienz ndwengouj ngeihsam Geizsoq: Gungh daih 3693 geiz

Gaiq Daih Cibhaj Daengx Guek Yindungvei Youq Gvangjdungh Gvangjcouh Haimuq

Cunghvaz Yinzminz Gunghozgoz Gaiq Daih Cibhaj Yindungvei 9 hauh banhaemh youq Gvangjdungh Swngj Gvangjcouh Si haimuq. Cunghung Cunghyangh cungsiuhgi, guekgia cugsiz, Cunghyangh Ginhveij cugsiz Siz Ginbingz camgya haimuqsik caemh-caiq senhbu yindungvei haimuq.

9 hauh banhaemh Gvangjdungh Aulinzbizgwz Dijyuz Cunghsinh daeng ronghsagsag, nauhyied raixcaix. Neix dwg daengx guek yindungvei baeznduj hawj Yez Gangj Au sam dieg caez banh.

19 diemj 58 faen, youq ndaw sing go angqyangz, Siz Ginbingz caeuq mehyah Bungz Liyenz doengh boux vunz yamqhaeuj cugsizdaiz, vadfwngz coh bouxyawj. Daengx ciengz dopfwngz nanzanz cij daengx.

20 diemj, Gaiq Daih Cibhaj Daengx Guek Yindungvei haimuqsik cingqsik hainduj. Buenx gij sing go 《Danqciengq Guekcoj》, gij bing hen Geiznding Haj Sing ronghsien hamj haeuj diyyuzcangz. Cenzyinvei hoihgeiz, Gaiq Daih Cibhaj Cenzyinvei hoihgeiz caeuq aen fanghein hoihgeiz youz 16 boux gizensouj gapbaenz haenx

haeujciengz. Doih daiyauj boux-caizbuenq riengz haeujciengz. Gaenlaeng dwg gyoengq yindungyenz daiyauj 37 aen daiyaujdonz. Gyoengqde faenbied daj gak swngj, swcigh, cizyazi, Yanghgangj Daegbied Hingzcwnggih, Aumwnz Daegbied Hingzcwnggih, Sinhgyangh Swngheanj Gensez Binghdonz caeuq 3 aen hangzyez diyyuz hezvei daeuj. Daengx ciengz bouxyawj dopfwngz hemqheuh angqcoux gyoengq yindungyenz haeujciengz.

Haeujciengz sat, daengx ciengz ndwn haeujdaeuj, ciengq goguek Cunghvaz Yinzminz Gunghozgoz. Youq ndaw sing goguek hungmbwk, Geiznding Haj Sing menhmenh swng hwnjdaeuj, mbinyagyag.

Cunghung Cunghyangh Cwngcigiz veijyenz, Gvangjdungh Swngjveij suhgi Vangz Gunhmingz, Yanghgangj Daegbied Hingzcwnggih hingzcwng cangjgvanh Lij Gyahcauh, Aumwnz Daegbied Hingzcwnggih hingzcwng cangjgvanh Cwnz Hauveih, Guekgia Dijyuz Cunggiz gizcangj Gauh Cidanh faenbied gangjvah.

20 diemj 43 faen, Siz Ginbingz

senhbu: Cunghvaz Yinzminz Gung-hozgoz Gaiq Daih Cibhaj Yindungvei haimuq! Daengx ciengz nauhyied raixcaix, dopfwngz nanzanz mbouj daengx.

Buenxriengz gij yaem' wenq gohoih Gaiq Daih Cibhaj Cenzyinvei, cenzyinvei hoihgeiz caeuq Gaiq Daih Cibhaj Cenzyinvei hoihgeiz menhmenh swng hwnjdaeuj.

Cinz Aiswng, Youz Cinyenz, Yenz Senhyinz faenbied daiyauj yindungyenz, gyaulyenz, boux-caizbuenq Gaiq Daih Cibhaj Cenzyinvei miengnaeuz.

Yienjheiq cawjdaeuz dwg 《Saedyienh Loqsiengj Coglaeng》 hainduj. Daengx ciengz yienjok dwg “caemh rag caemh goek” “caemh sim caemh yienz” “caemh loq caemh baenz” 3 aen biencieng gapbaenz, cauhamoq yungh diyyuz yenzsu, yisuz dinfwngz caeuq gohgi baihnaj, lwnhgangj aen cawjdaeuz “cenzyinvei gikcingz, davanhgi hoengghwd” gaiq cenzyinvei neix.

Ndaw ciengz hojgi cienznendq caeuq cujhojgi diemjdawz yizsiz hainduj. 11 nyied 2 hauh, Gaiq Daih

Cibhaj Cenzyinvei hojgi youq Yez Gangj Au sam dieg caemhyamq cienznendq, doeklaeng comz haeuj Gvangjdungh Audij Cunghsinh. Caezgya haeujrwz yawj, Maj Linz, Cinz Yozlinz, Vangz Ginhbauj, Fangh Vwnzhau, Goz Cinghcingh, Vangz Sinhyiz, Vangz Liuyi, Vangz Cenhyi, Liengz Veijgwng, Lai Senhci, Senj Dughmei, Yungz Cihingz daengj 12 boux hojgisouj cieprengz cienznendq, doeklaeng youz Suh Bingjdenh, Cangh Gyalhang, Lij Yiz caez diemjdawz cujhojgi cenzyinvei.

21 diemj 27 faen, Gaiq Daih Cibhaj Cenzyinvei haimuqsik youq ndaw sing gocawjdaeuz 《Mbwn Haij Caemhsim》 nauhyied guhsat.

Vangz Yi, Lij Hungzcungh, Hoz Lizfungh, Cangh Youyaz, Vangz Siuhungz, Cinz Yizginz, Vangz Dughfungh camgya haimuqsik.

Gozci Auveijvei cugsiz Gauj-vwnzcuz, Gozci Auveijvei daengx ciuh mingzdaeuz cugsiz Bahhwz caeuq gyoengq bouxhek rog guek ndaej cingj daeuj yawjhag Gaiq Daih Cibhaj Cenzyinvei haenx camgya haimuqsik. (daj 《Sinhvazse》 aeu daeuj genj hoiz)

《Ciengq Dangzvangz Ingjaenq Hoizgej》 Ndaej Gaiq Daih Cibngeih Gvangjsih Vwnzyi Cauhguh Dungzgujciengi

Mboengqneix, Gaiq Daih Cibngeih Gvangjsih Vwnzyi Cauhguh Dungzgujciengi mingzdan goengbough, cek sawgeq Sawndip 《Ciengq Dangzvangz Ingjaenq Hoizgej》 ndaej Gaiq Daih Cibngeih Gvangjsih Vwnzyi Cauhguh Dungzgujciengi (loih vwnzyoz ndawbiengz vwnzyoz), cek saw neix dwg Gvangjsih Minzcuz Yijvwnz Yenzgiu Cunghsinh, Swcigh Saujsu Minzcuz Gujcz Baujhoh Yenzgiu Cunghsinh caeuq Denzyangz Baeuqroxdoh Vwnzva Yenzgiuvei doxcaez bienraiz, Vangz Mingzbyauh cawjbien.

Cek saw neix 2023 nienz 12 nyied hawj Gvangjsih Gyauyuz Cuzbanjse okbanj, dwg gij hanghmoeg youqgaen aen gviveh “cibsei q haj” hong sawgeq saujsu minzcuz daengx guek, ndaej senjhaeuj aen hanghmoeg cienmonz bued cien okbanj gij sawcih minzcuz, dwg bouh saw okbanj “baenzroix saw ginghdenj couqmaenh gij eiqsik Cunghvaz Minzcuz ranz vunz ndeu” ndawde bouh ndeu. 《Ciengq Dangzvangz Ingjaenq Hoizgej》 dwg gij saw cienggouq cingjleix okbanj

《Dangzvangz》 sawgeq dijbauj Bouxcuengh. 《Dangzvangz》 youq ranghdieng singz mbanj Yougyangh Gvangjsih riuenzieng, cujyau ciengqlwnh gij saeh lizsij boekbienq gaij Dangz laeb Cou, feiq Cou fuk Dangz daengj, couhdwg doenghgi saeh Dangzcauz geizgonq daj Lij Yenh daengz Lij Dan aen lizsij seizgeiz neix ginggvaq haenx, dwg gij fwen raez lwnh saeh Bouxcuengh baengh gij daezcaiz gojgaeq Cunghvaz lizsij gajbien baenz, gij fwen neix miz daegsaek ronghsien, dwg gij guhbaenz dijbauj gwnz lizsij gak minzcuz doxbyaij doxyau doxyungz. 《Ciengq Dangzvangz Ingjaenq Hoizgej》 yungh sawgeq saujsu minzcuz “haj doiqciug” cingjleix fuengfap, miz hangz Sawndip, cienjraiz Sawcuengh gyaebyaem, geiqyaem gozci yaembiu, Gun cighoiz, Gun eiqhoiz, bienbaiz daejlaeh dwg ingjaenq hoizgej, mboujdan baujlouz yienghgaeuq sawgeq, youh doenggvaq haeddoiq, hoizgej, bae doengh diucaz doengh gij neix haeujlaeg vatcimh caeuq langhbaej gij lizsij caeuq yozsuz gyaciz sawgeq.

(Lij Daucih)



Sanhgyangh: Huznanz Gvangjsih Beixnuengx Caemh Baedauq Lih

11 nyied 7 hauh, Huznanz Dughdau Duncuz Swciyen Sanghgyangh Duncuz Bizbaz Vwnzvadi daengz Sanhgyangh Duncuz Swciyen Linzhil Cin Gvandung Cunh Mbanjgvanda guh gij yienghsaeh doxyau vwnzva, guh danz gobizbaz Duncuz, diuq dohyeh doenghgi neix, langhbaej fungcingz lai yiengh Mbanjdung, ciuyinx bouxhek rog guek daeuj yawjgonz bae sawq. Ndaw doz dwg vunzlai cingq diuq dohyeh.

(Gungh Bujganh Liengz Siumingz ingj)